



Broj: 03-34-2-1155-2/15
Sarajevo, 8. 9. 2015.

Na osnovu člana 55. Zakona o radu u institucijama Bosne i Hercegovine ("Službeni glasnik BiH", br. 26/04, 7/05, 48/05, 60/10 i 32/13), Odluke o uslovima i načinu prijema pripravnika VII. stepena stručne spreme u radni odnos u institucijama Bosne i Hercegovine ("Službeni glasnik BiH", br. 52/05, 102/09 i 9/15), Odluke o prijemu volontera u Sekretarijatu Parlamentarne skupštine Bosne i Hercegovine, broj: 03-34-2-1155, od 3. 9. 2015., Parlamentarna skupština Bosne i Hercegovine raspisuje

JAVNI OGLAS

za prijem volontera u Sekretarijat Parlamentarne skupštine Bosne i Hercegovine

U Sekretarijat Parlamentarne skupštine Bosne i Hercegovine primaju se volonteri:

1. sa završenim pravnim fakultetom, 3 izvršioca
2. sa završenim ekonomskim fakultetom, 2 izvršioca
3. sa završenim filozofskim ili drugim odgovarajućim fakultetom - odsjek za engleski jezik i književnost, 1 izvršilac.

Opis poslova i radnih zadataka:

Volonteri će obavljati poslove s ciljem osposobljavanja za samostalan rad u okviru svoje struke i sticanja radnog iskustva za polaganje stručnog (upravnog) odnosno javnog ispita.

Uslovi za prijem:

1. Volonter mora ispunjavati sljedeće opće uslove propisane članom 10. Zakona o radu u institucijama Bosne i Hercegovine:

- da ima navršenih 18 godina života,
- da je državljanin Bosne i Hercegovine, što dokazuje uvjerenjem o državljanstvu, ne starijim od šest mjeseci (original ili ovjerena fotokopija),
- da protiv njega nije pokrenut krivični postupak za krivično djelo za koje je predviđena kazna zatvora tri i više godina ili da mu nije izrečena zatvorska kazna za krivično djelo učinjeno s umišljajem u skladu s krivičnim zakonima u Bosni i Hercegovini, što dokazuje uvjerenjem nadležnog suda, ne starijim od tri mjeseca (original),
- da nije obuhvaćen odredbama člana IX. stav 1. Ustava Bosne i Hercegovine, što dokazuje izjavom ovjerenom kod nadležne općinske službe,
- da je zdrastveno sposoban, što dokazuje ljekarskim uvjerenjem, a koje dostavljaju izabrani kandidati po završetku izborne procedure, a prije zaključivanja ugovora o volonterstvu.

2. Osim općih uslova propisanih zakonom, volonter mora ispunjavati i posebne uslove:

- završen odgovarajući fakultet visoke stručne spreme VII/1 odnosno visoke škole prvog ciklusa Bolonjskog sistema školovanja u trajanju od tri odnosno četiri godine, vrednovano s najmanje 180 odnosno 240 bodova Evropskog sistema prijenosa bodova – ECTS, što dokazuje diplomom ili

uvjerenjem o diplomiranju koje je izdala visokoškolska ustanova, ne starijim od jedne godine, odnosno od roka potrebnog za izdavanje diplome (original ili ovjerena fotokopija), a u slučaju da fakultet nije završen u Bosni i Hercegovini, strana diploma mora biti nostrificirana (dokaz o nostrifikaciji – ovjerena fotokopija),

- dokaz da nema ostvaren radni staž i iskustvo od jedne godine i više nakon diplomiranja, što se dokazuje ovjerenom fotokopijom radne knjižice ili potvrdom–uvjerenjem zavoda za zapošljavanje.
- popunjen i potpisan prijavni obrazac koji se nalazi na web-stranici Parlamentarne skupštine Bosne i Hercegovine <http://www.parlament.ba>.

Napomena:

Kandidati su dužni dostaviti dokumente tražene Javnim oglasom, a dokumenti koji nisu u skladu s tim neće biti razmatrani.

Diplome o završenom drugom i trećem ciklusu studija Bolonjskog sistema, kao i diplome o sticanju naučnih zvanja nisu prikladne za dokazivanje uslova utvrđenih ovim Javnim oglasom, te neće biti razmatrane.

Validnost navedenih dokumenata računa se s danom prijave kandidata na Javni oglas.

Postupak izbora:

Kandidati koji ispunjavaju uslove iz Javnog oglasa i koji su blagovremeno podnijeli urednu i kompletnu prijavu na Javni oglas podliježu provjeri znanja koju, u skladu s Odlukom o uslovima i načinu prijema pripravnika VII. stepena stručne spreme u radni odnos u institucije Bosne i Hercegovine (“Službeni glasnik BiH”, br. 52/05, 102/09 i 9/15), provodi Komisija za prijem volontera. Odluku o načinu provjere znanja kandidata donosi Komisija.

Dostavljanje prijava:

Prijave se mogu predati do 18. 9. 2015. godine, direktno u Pisarnicu Parlamentarne skupštine Bosne i Hercegovine ili poslati poštom preporučeno na adresu:
Parlamentarna skupština Bosne i Hercegovine, ul. Trg BiH br. 1., 71 000 Sarajevo, s naznakom “Za Javni oglas za prijem volontera”.

Volonterski rad može trajati najduže jednu godinu.

Nepotpune, neblagovremene i neuredne prijave kao i kopije tražene dokumentacije koje nisu ovjerene ili su ovjerene nakon isteka važnosti originala koji se ovjerava, te dokumenti stariji od roka koji je utvrđen Javnim oglasom, neće biti razmatrane.